

« toujours meü la ville de desiroir ledict changement, et
 « messieurs qui sont a present en charge de l'occasion aux
 « cheveux mesmes, et entre aultres que les peuples les
 « plus civilizés n'ayant jamais laissé occasion signalée sans
 « la celebrer par quelque action de bel exemple. Cette
 « Compagnie non seulement, mais toute la ville estoit
 « d'autant plus obligée d'en ainsy user en celle qui se
 « présentoit que c'estoit chose que les anciens gaulois et
 « druides pratiquoient aultrefois comme sur ce toutes les
 « compagnies de magistrats de ce Roy et aultres le prati-
 « tiquoient a leur exemple.

« Et le discours dudict sieur Goujon finy, ledict Prevost
 « des Marchans apres avoir remercié la bonne et honorable
 « compagnie de son assistance et de l'honneur et conten-
 « tement que le Consulat recepvoit de veoir chacun d'eulx
 « avec le visage content de ce nouvel establissement, l'en
 « auroit prié d'y vouloir encores adjouster cest aultre tes-
 « moignage de prendre le disner qui avoit esté préparé
 « audict hostel de ville. Ce qu'ilz auroient accepté, et
 « durant le disner auroit esté souvent beu a la santé du
 « Roy; les trompettes, tambourgs et timballes importu-
 « nant les aureilles (*sic*) quoy que plusieurs foyz l'on leur
 « ait commandé de cesser.

« Ce faict et quelque temps aprec le despart de l'assem-
 « blée, lesdicts sieurs Prevost des Marchans et Eschevins
 « seroient entrés en ladicte chambre du conseil ou ilz
 « auroient baillé le prisfaict des pierres d'attente et inscrip-
 « tions a mettre tant audict hostel commun que sur l'en-
 « trée du college de la Trinité, et ordonné que ledict
 « prisfaict sera enregistré au present registre des actes
 « consulaires avec tous ceulx qui se ferons cy apres pour